

慮之所爾時  
天尊端嚴自立眉放白光口出異香說道遙  
之語五雲碧落談妙法蓮華經時諸天仙衆  
得聞是經從無量劫曾遇仙道今正是時無  
憂無惱自在快樂祥雲繚繞一時來迎咸皆

歡喜奉辭而退



太上中道妙法蓮華經卷之二終

太上中道妙法蓮華經卷之三

順行正品第五

爾時  
元始天尊集會天仙及諸化仙從無鞅世界  
而來各禮

天尊於一面坐時有左玄真人上白

天尊曰惟願

天尊大慈愍我等故說斯妙經今乃化仙皆  
來集會時又行者願得天尊慈悲所諭是時  
天尊告諸天尊衆諸天仙衆我成道以來未  
聞斯經上得道遠今汝聽受願超我故即說  
偈曰

我當化度 救彼三途 一切諸仙

盡成道故 千萬億身 住虛空所

化出瓊台 碧落雲衢 天歌自然

鸞鳴鳳舞 化出異香 雲間結輿

遊遊世界 停地獄苦 無憂無惱

如飲甘露 大道所生 神仙扶助

令使解脫 邪心頓悟 免被輪迴

永絕三途 行平等心 我唯濟苦

杜一

六

六根常淨 千邪當去 無得智慧  
長生自布 道垂遠喻 衆生親負  
於解脫時 達神仙路 清淨快樂  
行慈法雨 救衆生病 恒歌妙語  
垂喻品第六

爾時

元始天尊白諸天衆說海空之義使無鞅  
衆神通自然我說黃庭左玄當我我說幽玄  
右玄解我我說無為尹喜為侶我說長生壽  
天命住散落人間為大醫父我有妙經能令  
衆生得超九品是時  
天尊以偈讚曰

或有諸仙子 住於深洞中

備心鍊丹藥 以求大道玄

或有諸仙子 處如塵世界

化現無礙患 以求大道玄

或有諸仙子 現行染妙法

救於衆生者 以求大道玄

或有諸仙子 坐於東海隅

千萬餘年中 以求大道玄

杜一

七

或有諸仙子 多聞智過人  
深識於文字 以求大道玄  
或有諸仙子 休糧服松栢  
彈琴冰心火 以求大道玄  
或有諸仙子 持劍於荒郊

降伏十種魔 以求大道玄  
或有諸仙子 符禁咒術功  
除殃遣鬼魔 以求大道玄  
或有諸仙子 海上駕青鸞  
度還歸仙道 以求大道玄

或有諸仙子 持經念洞章  
救彼凡夫者 以求大道玄

是時

元始天尊說偈讚已於是會中有無極天尊  
我聞斯經九玄七祖咸昇天宮何況一切受

苦衆生豈不超然乃有五無間無鞅之苦如  
赫日消霜咸使盲聾便獲聰明咸使貧窮便  
獲富貴咸使顛狂便獲眞性咸使下貧便獲  
高遷咸使重病便獲痊癒咸使喑啞便獲能  
言咸使目盲便獲光明咸使蹇足便獲能行

咸使孕婦便獲身輕咸使淫慾便獲離淫咸  
使愚痴便獲離痴咸使瞋恚便獲離瞋咸使  
五濁便獲男形咸使死屍便獲生成咸使精  
邪便獲遠奔咸使虛耗便獲豐足咸使賊盜  
便獲慈悲咸使餓饑便獲飽滿咸使火災便

獲息焰咸使水災便獲平陸是時

天尊告諸天仙衆我昔求於大道時有五方  
人來各說空界異口同音我指大道聲振十  
方鬼神之驚又聞上界往昔天人所說大道  
變現無窮乃有衆生求其大道我當助道速  
得成就爾時大衆動已自然音樂於空中來  
迎能備道果無復憎愛愚痴驕慢多嗔恚怒  
輕觸邪淫忘言惡口行無礙患濟貧救苦時  
有長壽真人上白  
天尊言願我早成大道爾時

天尊為我說法從生以來未聞斯經以得清  
淨今願天尊重為我說其化大地一切衆生  
莫歷三途或有衆生野科誑妄或有衆生污  
慢三寶或有衆生常行偷盜人間暗毒或有  
衆生殺生害命或有衆生行種種不善之法

即當捨邪歸正然後優行惠達聖前碧落天  
上自然快樂常聞天鼓音樂謳歌悉無暫停  
天人於其時復朝禮水離三途長遊天界身  
任解脫助其道法使千萬歲一切會中諸天  
聖衆作禮而退  
卷之三終